

INUIT ATAQATIGIIT INATSISARTUNI



UKA2024/48

15. Oktober 2024

Kristian Jeremiassen

Uunga siunnersuut: Piniarneq aallaaniarnerlu pillugit Inatsisartut inatsisaata allanngortinnera pillugu Inatsisartut inatsisaat (Akiliisitsilluni aallaaniarnermik aaqqissuussisartunut najugaqartussaataitanermut piumasaqaatip ukiunit marlunnit ukiunut tallimanut sivitsorneqarnera aammalu akuersissutitaarnissamut immikkut akuersinissamut malittarisassat nutarneqarnerat, kiisalu akuersissummik qinnuteqarnermi najugarisaq pillugu uppernarsaatit sukumiinerusumik aalajangersarnerat)

Aalisarnermut Piniarnermullu Naalakkersuisoq

Siullermeerneqarnera

Qiningaaffimmi matumani inuiaat Kalaallit pinginnittussaanerannik Inuit Ataqatigiit oqaaseqartarpugut suleqataallutalu taamaammatt pisariaqarpoq inuiaat Kalaallit pinginnittuunerannik Naalakkersuisut sukaterinerat pissusis-samisoortuusooq.

Inuit Ataqatigiit pilersinneqaramilli isumaqarput, nunatsinni pisuussutit tamar-luinnarmik tunngaviusumik inuiaat kalaallit pigigaat. Qularnaarneqassasorlu naleqartut inuiaqatigiinni pilersinneqartut, inuiaqatigiinnut tamanut iluaqutaanissaat.

Anguniartuarparputtaaq Nunatta naalakkersuinikkut aningaasaqarnikkullu ineriartornera inuttut, inooqatigiissutsikkut avatangiisinullu tunngasutigut

INUIT ATAQATIGIIT INATSISARTUNI



piujuarsinnaassuseqartumik ingerlanneqassasoq kingulissatsinnut nuna manna ingerlatassaringatsingut akisussaassusermik peqartariaqarpugut annernarsinnaasunilluunniit aaliangiingutta, nuna eqqarsaatigalugu aaliangiinerit pisariaqartut Inuit Ataqatigiit isumaqarpugut akiligassarmi kinguaassatsinnut ingerlateqqittariaqarparput siunissamullu sammisumik anguniangaqarluta politik-kkut ullormiit ullormut anorip sammivia malillugu nuna ingerlanneqassanngitsoq Inuit Ataqatigiit isumaqarpugut taamaammat siunissamut sammisunik attanneqarsinnaasumik politik-kkut isumaqatingiissuteqartarnerit ingerlanneqartariaqartut Inuit Ataqatigiit isumaqarpugut.

Inuiaat Kalaallit nunap pisuussutaanik aqutsisariaqartut pingisaqartariaqartullu sapangissanngilarput nunarpummi allamiunit aqunneqassanngilaq pisuussutit uumaattuuppataluunniit taamaammat inuiannut Kalaallinut pinginnittuunissamik qiningaaffimmi matumani Naalakkersuisut suliaqarnerat Inuit Ataqatigiinnit iluarisimaarparput politik-kkut tunngavitsinnik aallaaveqarmat aammalu kalaaleq nunamini salliusariaqarmat nunarput allamiunut akingissannginnatsigu.

Piniarneq aallaaniarnerlu pillugit Inatsisartut inatsisaata allanngortinnissaanut siunnersuummi akiliisitsilluni aallaaniarnermik aaqqissuussisartut inuiaqatigiinnut kalaallinut attuumassuteqarnissaat pillugu piumasaqaat sukateriffiginiarneqarpoq, tamanna Inuit Ataqatigiit tamakkiisumik taparserparput pissusissamisoortutullu isigalugu siunnersuummimi inuiaat kalaallit salliunneqarnissaat nunamilu maani ukiuni 5-mani najungaqarsimanissaq piumasaqaatitut inissinneqarniarnera pissusissamisoorpoq inuiaallu kalaallit periarfissangissaarnissaanik Naalakkersuisut siunertaqarnerat Inuit Ataqatigiit ilalernartipparput.

INUIT ATAQATIGIIT INATSIARTUNI



siunnersuutip § 10- ani nalinginnaasumik piumasaqaatit assigisaat naapertorlugit, qinnuteqartoq ilinniarnermut assigisaannulluunniit atatillugu Kalaallit Nunaata avataaniissimappat, piumasaqaatinit immikkut ittunit akuerineqarnissamut tunngavissaq qulakkeerneqartoq Inuit Ataqatigiinniit tamanna iluarisimaarparput assersuutingalungumi ilinniangaqarluni aallaqqasimangumi periarfissaq mattunneqarpat tamanna pittaasuussanngilaq taamammat ilinniartitaanerup qaffassarneqarneranut tapertaasutut Inuit Ataqatigiit isigivarput, ilinniartitaanermi sakkussarivarput nuna siuariartussappat.

Massakkut ukiut marluk nunatsinniissimanguni periarfissaqarpoq ukiunullu tallimanut inissinneqarnissaa pissusissamisoorpoq nunap inui inuutissarsiornikkut pittaanerusumik qulakkeeriniffingineqarsinnaaneranguniarneqarmat tamanalu Inuit Ataqatigiit aallaqqaasiinitsinni soorlu aamma pissusissamisoortutut nalileripput.

Naggasiutingalungu siunnersuut tamakkiisumik taperserparput erseqqissaatingalungulu piujuartitsinissamik aallaaveqartumik siunertaqarneq ingerlanneqarnissaa pingaartikkipput imaanngilaq nunap inui periarfissai annikillisinniarlugit kisiannili siunissami ataavartumik inuutissarsiutip nunami ingerlanneqartuarnissaa pingaaruteqartoq Inuit Ataqatigiit isumaqaratta taamaammat siunnersuut sukateriffiusoq taamatut isikkoqartillugu akuerineqarnissaa innersuupparput ataatsimiititaliamut ingerlateqqinngikkaluarlugu.